

REGLUGERÐ

um veiðar krókabáta fiskveiðiárið 1996/1997.

Leyfilegur heildaraflí.

1. gr.

Veiðiheimildir krókabáta á fiskveiðiarinu 1996/1997 skulu við það miðast að þorskaflí þeirra fari ekki yfir 25.854 lestir af þorski, miðað við óslægðan fisk. Þar af skal Byggðastofnun hafa til ráðstöfunar þorskaflahámark sem nemur 500 lestum.

Val um þorskaflahámark eða sóknardaga.

2. gr.

Eigendum krókabáta skal gefinn kostur á að velja milli þess að stunda veiðar með þorskaflahámarki samkvæmt 3. gr. og þess að stunda veiðar á sóknardögum með handfærum eingöngu sbr. 5. gr. eða með línu og handfærum sbr. 6. gr.

Val skv. 1. mgr. er bindandi og skulu eigendur tilkynna val sitt til Fiskistofu eigi síðar en 1. júlí 1996. Velji eigandi báts ekki fyrir tilskilinn frest skal báti hans úthlutað krókaleyfi með þorskaflahámarki.

Þorskaflahámark.

3. gr.

Þorskaflahámark báts sem velur að stunda veiðar með þorskaflahámarki skal nema sama hlutfalli af 25.354 lestum sbr. 1. gr. og nam hlutdeild hans í 21.000 lestum, miðað við reiknað þorskaflahámark skv. 2. gr. laga nr. 83/1995.

4. gr.

Heimilt er að flytja allt að 20% af þorskaflahámarki krókabáts frá einu fiskveiðári yfir á það næsta. Tilkynna skal til Fiskistofu fyrirfram um flutning þorskaflahámarks milli báta og öðlast hann ekki gildi fyrir en Fiskistofa hefur staðfest flutninginn.

Þá er heimilt að flytja til krókabáts á þorskaflahámarki, innan hvers fiskveiðiárs, úthlutað aflamark í þorski skv. 7. gr. laga nr. 38/1990 um stjórn fiskveiða með síðari breytingum. Um þann flutning gilda almennar reglur um flutning aflamarks, sbr. 9. gr. reglugerðar um veiðar í atvinnuskyni 1996/1997.

Sóknardagar, handfæraveiðar.

5. gr.

Sameiginlegur hámarksafli þeirra báta, sem velja að stunda veiðar á sóknardögum með handfærum, skal vera sama hlutfall af 25.354 lestum af þorski, sbr. 1. gr., og nam samantlagðri hlutdeild þeirra í 21.000 lestum af þorski, miðað við reiknað þorskaflahámark skv. 2. gr. laga nr. 83/1995.

Sóknardagar, línu- og handfæraveiðar.

6. gr.

Sameiginlegur hámarksafli þeirra báta, sem velja að stunda veiðar á sóknardögum með línu og handfærum, skal vera sama hlutfall af 25.354 lestum af þorski, sbr. 1. gr. og nam

samanlagðri hlutdeild þeirra í 21.000 lestum af þorski, miðað við reiknað þorskaflahámark skv. 2. gr. laga nr. 83/1995.

7. gr.

Þegar bátur stundar veiðar með línu skv. 6. gr. skal margfalda fjölda nýtttra daga með tölunni 1,9 á tímabilinu frá 1. maí til 1. september, en með tölunni 1,35 á öðrum tímum. Sé einn maður í áhöfn krókabáts er óheimilt að róa með og eiga í sjó fleiri en 12 bala alls af línu fyrir hvern sóknardag en 20 bala séu tveir eða fleiri í áhöfn, miðað við allt að 500 krókum á línu í hverjum bala.

Sé lína um borð í báti í róðri skal bátur tilkynntur við línuveiðar sbr. reglur 1. mgr. Tilkynningar skal senda í gegnum símakrök sbr. 9. gr.

Sóknardagar.

8. gr.

Á fiskveiðiárinu 1996/1997 skulu sóknardagar vera 84 miðað við veiðar með handfærum. Fjöldi sóknardaga er ákveðinn fyrir hvorn sóknarhóp fyrir sig, skv. 5. og 6. gr., fyrir hvert fiskveiðiár, í fyrsta sinn á fiskveiðiárinu 1997/1998. Skal það gert með því að reikna meðalafli á hvern leyfðan sóknardag næstliðins fiskveiðiárs og deila þeirri tölu í sameiginlegan hámarksafli hvors sóknarhóps á fiskveiðiárinu. Afli báta sem veiða skv. 5. gr. hefur ekki áhrif á útreikning á dagafjölda báta sem veiða skv. 6. gr. og öfugt. Sóknardögum skal fækka eða fjölga um heila daga og broti sleppt.

9. gr.

Sóknardagur telst vera 24 klst. frá upphafi veiðiferðar.

Skipstjóri skal tilkynna Fiskistofu um upphaf veiðiferðar og hvort bátur er veiðar stundar skv. 6. gr. verður við línuveiðar, áður en lagt er úr höfn. Telst veiðiferð hafin þegar tilkynning berst. Skipstjóri skal einnig tilkynna Fiskistofu um lok veiðiferðar þegar hann kemur til hafnar og telst sóknardegi þá lokið. Tilkynningar skal senda í gegnum símakrök, sjálfvirkan þjónustusíma Fiskistofu.

Heimilt er að afturkalla tilkynningu um sóknardag, enda sé það gert innan þriggja klukkustunda eftir að tilkynning um nýtingu sóknardags, sbr. 1. mgr., var send Fiskistofu, að öðrum kosti telst sóknardagur nýttur. Ekki er heimilt að afturkalla tilkynningu um sóknardag, nema bátur sé í höfn þegar afturköllun er send Fiskistofu og aldrei er heimilt að afturkalla tilkynningu um sóknardag hafi veiðarfæri verið sett í sjó.

Valdi vélarbilun því að skipstjóri sem afturkalla vill tilkynningu um nýtingu sóknardags komist ekki til hafnar innan þriggja klukkustunda en öðrum skilyrðum 4. mgr. er fullnægt, getur Fiskistofa engu að síður fellt niður sóknardag sé þess skriflega farið á leit innan 7 daga, enda fylgi fullnægjandi upplýsingar um bilunina.

Aðrar veiðar krókabáta.

10. gr.

Után sóknardaga sbr. 8. gr. eru þeim bátum sem valið hafa að stunda veiðar skv. 5. og 6. gr. bannaðar allar veiðar á nytjastofnum. Þá er krókabátum, sem náð hafa þorskaflahámarki sínu óheimilar allar veiðar á nytjastofnum.

Þrátt fyrir ákvæði 1. mgr. getur ráðherra veitt undanþágu frá banni þessu með sérstöku leyfum til veiða á botndýrum með plógum og gildrum svo og til hrognkelsaveiða í net og til veiða á háffiskum með sérhæfðri línu.

Aukaafli af þorski sem fæst við veiðar samkvæmt 2. mgr. reiknast til þorskaflahámarks.

Fái bátur, sem krókaleyfi hefur með sóknardögum, leyfi samkvæmt 2. mgr. er honum óheimilt að nýta sóknardaga þann tíma, sem leyfið gildir. Velji eigandi þann kost að nýta leyfið ekki allan gildistíma þess, skal hann tilkynna til Fiskistofu hvenær hann hættir að nýta leyfið og er honum eftir það heimilt að nýta sóknardaga bátsins.

Landi krókabátur skv. 4. mgr. á þeim tíma, sem hann stundar veiðar samkvæmt sérstöku leyfi sbr. 2. mgr., aukaafli af þorski getur Fiskistofa áætlað á bátinn sóknardaga í samræmi við afla hans.

Nýti bátur leyfi, samkvæmt 2. mgr. til þess að veiða aðrar tegundir en leyfið miðast við, varðar það leyfissviptingu og viðurlögum sbr. 13. gr.

Stöðvun veiða.

11. gr.

Óheimilt er bátum sem krókaleyfi hafa með sóknardögum að vera á sjó með veiðarfæri utan sóknadaga.

Þrátt fyrir ákvæði 1. mgr. er heimilt að flytja báta milli hafna með veiðarfæri um borð, enda sé slíkur flutningur fyrirfram tilkynntur Fiskistofu. Fari bátur á sjó án veiðarfæra á því tímabili, sem um ræðir í 1. mgr. skal eigandi hans tilkynna það fyrirfram til Fiskistofu. Tilkynningar skal senda í gegnum símakrök, sjálfvirkan þjónustusíma Fiskistofu.

Endurnýjun krókabáta.

12. gr.

Um endurnýjun krókabáta gilda ákvæði 11.-19. gr. reglugerðar, um veiðar í atvinnuskyni fiskveiðiárið 1996/1997, eftir því sem við á.

Heimilt er að framselja, hvenær sem er innan fiskveiðiársins, þorskaflahámark krókabáts til annars krókabáts eða báta en það er háð því skilyrði að allt hámark, sem eftir er, sé flutt af viðkomandi bát, enda falli veiðileyfi niður og rétti til endurnýjunar sé afsalað. Tilkynna skal Fiskistofu fyrirfram um flutning þorskaflahámarks milli báta og öðlast hann ekki gildi fyrr en Fiskistofa hefur staðfest flutninginn.

Heimilt er að flytja krókaleyfi með þorskaflahámarki tveggja eða fleiri krókabáta til eins báts, sem þá fær krókaleyfi með samanlögðu þorskaflahámarki bátanna.

Heimilt er að flytja krókaleyfi með sóknardögum tveggja eða fleiri báta til eins báts sem þá hlýtur sams konar krókaleyfi. Séu þeir bátar sem leyfi láta hvor í sínum sóknarhóp skv. 5. og 6. gr. skal nýi eigandinn velja í hvorum hópnum báturinn lendir.

Sé krókaleyfi með sóknardögum og krókaleyfi með þorskaflahámarki flutt til eins báts skal eigandi velja, hvort báturinn hlýtur krókaleyfi með sóknardögum eða þorskaflahámarki. Velji eigandi krókaleyfi með þorskaflahámarki skal bátinum úthlutað krókaleyfi með sama þorskaflahámarki og sá bátur hafði er krókaleyfi lét. Velji eigandi krókaleyfi með sóknardögum fellur þorskaflahámarkið niður.

Ýmis ákvæði.

13. gr.

Brot á reglugerð þessari varða viðurlögum samkvæmt ákvæðum IV. kafla laga nr. 38, 15. maí 1990, um stjórn fiskveiða með síðari breytingum og lögum um umgengni um auðlindir sjávar nr. 57/1996. Með mál út af brotum skal farið að hætti opinberra mála.

Um gjald vegna ólögmeats sjávaraflla fer samkvæmt ákvæðum laga nr. 37, 27. maí 1992.

14. gr.

Reglugerð þessi sem sett er samkvæmt ákvæðum laga nr. 38, 15. maí 1990, um stjórn fiskveiða með síðari breytingum öðlast þegar gildi og kemur til framkvæmda 1. september 1996. Frá 1. september 1996 falla úr gildi reglugerð nr. 403/1995 um veiðar krókabáta fiskveiðiárið 1995/1996 og auglýsing nr. 36/1996 um reglur um sóknardaga fiskveiðiárið 1995/1996.

Sjávarútvegsráðuneytinu, 28. júní 1996.

Þorsteinn Pálsson.

Árni Kolbeinsson.

Nr. 362

27. júní 1996

REGLUGERÐ

um veiðar í atvinnuskyni fiskveiðiárið 1996/1997.

Veidileyfi í atvinnuskyni.

1. gr.

Við veitingu veiðileyfa í atvinnuskyni á fiskveiðiarinu 1. september 1996 til 31. ágúst 1997 koma aðeins til greina þau skip, sem veiðileyfi hafa fengið samkvæmt 5. gr. 1. nr. 38/1990, um stjórn fiskveiða, með síðari breytingum. Um endurnýjun fiskiskipa fer skv. ákvæðum 11.-19. gr. reglugerðar þessarar.

Heildarafli og veiðitímabil.

2. gr.

Fyrir fiskveiðiárið 1. september 1996 til 31. ágúst 1997 er leyfilegur heildarafli og útlutað aflamark úr botnfisktegundum sem hér segir:

| | Leyfilegur heildarafli 1996/1997 | Utan aflamarks | | Útlutað aflamark 1996/1997 |
|---------------|----------------------------------|------------------------|-----------------------|----------------------------|
| | | Til jöfnunar 1996/1997 | Króka-bátar 1996/1997 | |
| | Lestir | Lestir | Lestir | Lestir |
| 1. Þorskur | 186.000 | 5.000 | 25.854 | 155.146 |
| 2. Ýsa | 45.000 | - | 2.200 | 42.800 |
| 3. Ufsi | 50.000 | - | 1.900 | 48.100 |
| 4. Karfi | 65.000 | - | - | 65.000 |
| 5. Grálúða | 15.000 | - | - | 15.000 |
| 6. Skarkoli | 12.000 | - | - | 12.000 |
| 7. Steinbitur | 13.000 | - | 2.500 | 10.500 |
| 8. Langlúra | 1.200 | - | - | 1.200 |